

西河合集

蠻司合誌

卷一

湖廣

卷二

貴州一

卷三

貴州二

卷四

四川一

卷五

四川二

卷六

四川三

卷七

四川四

卷八

貴州一

蠻南二

貴州二

蠻南一



蠻司合誌



卷十

雲南三

卷十一

雲南四

卷十二

兩廣一

卷十三

兩廣二

卷十四

兩廣三

卷十五

兩廣四

目
司
卷
誌

二



西河合集

蕭山毛奇齡

原名性字僧開稿

徐丁湖自崑頤並長較

蠻司合誌

蠻司者土司也自古無土司之名有虞氏征三苗高宗伐鬼方漢武檄驪冉邛夔統謂之蠻禹貢曰三百里蠻詩曰用邊蠻方皆是也其地踞湖貴川雲兩廣六省自巴夔土下迤及海嶠數萬里溪峒箐篁之中曰犵曰伶曰獠曰猺曰獯凡數十種歷代迄今各有大姓為領袖如北魏之冉氏田氏向氏南宋之舒氏

蠻司合誌

一

彭氏蘇氏楊氏皆酋長其地呼喚羣族特未嘗建設州司隸之銓選如所稱土官土吏者惟有明踵元舊事悉加建設其法倣之蜀漢昭烈授羅伽李恢為郡功曹主簿晉帝用興古夔深作本郡太守宋太祖舉猛人秦冉雄使之自治辰州而推廣其意乃遍設官吏盡布籍屬于是土司之名興焉彼其大姓相嬗世積威約雖同為編土而主隸之分定之已久我因其已定之分而假以予奪初不過借朝廷之名器用相鞫縻而等威所至折箠惟命所謂以虛名收實利者強飲之繫維生駒之羈勒如此而已然而以蠻治蠻

卽以蠻攻蠻。儻溪峒之間竊發時起則彼我徵調頗易爲力。因之設土兵相制之法。而其後展轉假借。凡議大征者無不藉狼兵。土兵遠爲驅遣。雖周武伐紂亦嘗以羗髡彭濮諸蠻同會。毋野而究之。控馭無方。利害各半。故王文成議勦賊不用狼土而武功成焉。按有明洪武初年。凡西南夷來歸者卽用原官授之。而稽其土官土兵及賦稅差役駐防守禦之制。但定銓選不立徵調其定銓選法。凡土官名號曰宣慰司曰招討司曰安撫司曰長官司。初皆隸吏部驗封。而後以土兵相制半隸武選。每襲替則必奉朝命。其無

蠻司合誌

子弟者卽妻女皆得襲替。雖數年之後萬里之遙亦必赴闕受職。迨天順末詔許土官繳呈勘奏卽與襲替。於是控制稍疎。動多自恣。至成化中文有納穀備賑急公補授之令。則規取日陋。離畔日生。雖孝宗發憤釐革而正德以還陋習未除。暨嘉靖九年始毅然復祖宗之舊令。該府州縣正二經歷巡檢驛傳三百六十隸驗封宣慰宣撫招討安撫長官一百三十三隸武選。其隸驗封者布政司領之。隸武選者都指揮使司領之。文武相維機權攸寓。細大相關。股掌易運。益蠻實難馭。獷悍桀驁其性猜忌讎殺其習。烙廳善

走枵腹善鬪其力孰戀窟穴不忍違離假重爵命威制服屬其勢知其性與習則不宜喜功生事而知其勢與力則勢可以爲我用而力不可以使之自用故自洪武暨崇禎一十六朝二百七十餘年之間凡沿革向背大征大役或得或失稍見史乘者略輯其大凡彙爲一編名曰合誌考古者覽焉

湖廣

湖廣土司踞湖南巫黔中地內錯辰常外連川貴溪峒深窳往往爲寇元末尤甚僞漢陳友諒竊據湖湘間每招引諸苗長官以器肉肘帛啖之立應本寨不

卷一 蠻司合誌

三

足卽取之傍寨破城陷陣所向無敵時高皇帝卽吳王位大敗友諒於鄱陽諸苗大恐跳岸走是年湖廣安定宣撫使向思明等遣其溪洞長官硬徹律以故元所授宣撫敕及印章來獻請改置官司命仍置安定等處宣撫司設宣撫使二以思明及其弟思勝居之遂置懷德軍民宣撫司以所附向夫旺石用爲宣撫使南木什用潘仲玉爲統軍元帥沒葉什用硬徹律爲抽攔不夜黃不三長官司而慈利土官覃虛亦以故元所授叅政照會三道來獻卽置慈利軍民宣撫司以斥爲宣撫使斥貢馬二十四匹會吳元年左相

國徐達按視湖湘以楊璟爲叅政令之招撫而別遣
指揮使王遇成等攻討諸苗之未服者乃隨服隨叛
遂命江夏侯周德興東川侯吳海普定侯陳桓靖寧
侯葉昇遍平蠻寨大破黔辰九溪施南散毛鎮南大
旺諸洞于是改保靖安撫爲保靖宣慰以土官彭萬
里爲宣慰使改永順宣撫爲永順軍民安撫以上官
彭添保爲同知總兵官一時瀏陽黃寧茶鄉譚悅道
湘陰吳仁琮劉玉容美洞田光寶思沅兩界黃元明
桑直荒溪諸洞墨色什川各以來歸附並授官去當
是時田州岑氏龍州趙氏播州楊氏貴州安氏其雜

處兩廣川雲諸大姓畏威懷德以次服屬有明三百
年撫有西南諸土司實自此始大抵苗種自長沙沅
辰以南與氏羗混雜其人蟻聚蝥集有村寨而無城
市隸官者曰熟苗否曰生苗魍結跼躑荆棘若猿
狖班衣無衿衿納首以竅而挿雞毛於其顛負蘭抱
弩童時稱馬郎銜環耳間婦女襍被以海肥銅鈴藥
珠如纓絡然行歌誘馬郎而教之淫至仲春合婚則
大集馬郎出室女襍吹愁笛壺笙擊長腰鼓跳舞月
前名曰跳月老人騎木馬酌酒聽馬郎擇女負去自
爲婚然後估女貌而責以婚儀有貌美儀多不能償

者歲貴之雖自首不小貴謂之癩虫飲食蓄惡草以
蕎灰和秫糜釀為敗瀝襍投諸魚肉蠅蚤營營名之
曰醅俗以醅之寡多驗家之豐嗇嘗曰是家多醅槽
不貧每遇歲時名親串搥銅鼓鬪牛而剖其負者乃
截牛角藏于家雖子孫數世猶必持牛角示人以為
雄焉要約無文書刻木為契爭訟則推一人斷曲直
曰行頭曲者絀以籌計所絀籌多則擲籌三曰天減
一地減一行頭又減一然後責贖其餘者言語侏離
非重譯莫解呼其曹曰同年呼其酋曰茫呼人曰歹
自呼亦曰歹猶吳人呼儂然性猜忌好讎殺操戈羣

蠻司合誌

行報復不已諺有曰母讎苗音彌尤切世不休顧嗜利絕
禮讓廉耻擲片肉于地爭趣若犬承歡而相親稍怫
卽磨齒相向世嘗為之語曰喜人怒禽人禽生不識
年月以鼠馬記子午每歲首諸苗慶賀擇冬三月朔
各尚其一曰開年俗信鬼祀竹王祠及磨嗟神廟時
時治蠱設蠱神舍毒藥傅弩矢中之血濡縷殺人其
在金筑者為克孟牯羊二苗在獨山者為九名九姓
苗在平樂為紫薑苗在白納者為賣爺苗在荔彰葛
商為短裙苗在陳蒙爛土為黑苗又為天苗凡數千
里內相繼歸附其為種不一而風俗略等國初設宣

慰司二曰未順曰保靖其在未順者有南溥施溪上
溪三州土官在保靖者有陰隆杜望潯石三巡檢司
土官俱隸布政司其旣也以三州隸都司而保靖所
轄長官祇五寨田氏因元世襲至末樂初指揮龔能
始招來篁子坪等處三十五寨生苗廖彪等四百五
十三戶乃設篁子坪長官同隸保靖以彪爲長官而
別設答意洽古二寨長官隸貴州宣慰安置生苗各
野龍答哥等凡舊置施南衛軍民指揮使可有故元
世官不能襲者重設施南散毛諸長官分隸安撫令
軍田黃向諸大姓各有所屬于是設宣撫四先置忠

建容美而復以施南散毛陞爲宣撫設安撫八曰東
鄉五路曰忠路曰忠孝曰金峒曰龍潭曰大旺曰思
峒曰高羅設長官十九以臘惹洞麥著黃洞驢遲洞
施浴溪白崖洞田家洞六長官隸未順以五寨篁子
坪二長官隸保靖以搖把洞土愛茶洞下愛茶洞劍
南木柵鎮南唐崖七長官分隸施南散毛忠建其餘
四長官曰椒山瑪瑙曰五峰石寶曰石梁下峒曰水
盡源通塔平則專隸容美蠻夷五長官曰鎮遠曰隆
奉曰西洋曰東流曰臘壁洞則分隸東鄉五路及金
峒大旺之間至宣德二年增設石關洞長官隸之金

峒而其餘如故

大蟲可宜者保靖宣慰使也與彭藥哈妲同管司事
爭淫土吏婦雞腰殺彭藥哈妲而自死于法其孫彭
惠爲土舍據西江口地恨祖死革職無所襲而彭藥
哈妲孫九霄得襲祖職爲宣慰使忌之目爲讎正德
中叅政奉檄清宣慰司地則惠所據西江口實宣慰
地也遂奪西江口七寨還宣慰使九霄而于是讎愈
甚會末順宣慰使彭明輔與惠婚姻惠假明輔兵大
起讎殺鎮巡官屢檄不止前後訐奏凡八十餘上時
多不直惠值明輔娶惠女爲子婦鼓吹迎于途惠結

卷一
蠻司合誌

七

綵繒爲鵝籠坐其中送之鎮巡官勾惠出惠鵝籠中
縛之內於獄明輔怒率男婦百人攻獄奪惠去旣而
官兵討明輔明輔請還惠仍繫獄上乃遣都御史吳
廷舉會鎮巡官雜治之獄成謂惠當坐誅第夷情難
盡法因徙惠辰州特設大刺巡檢司一使流官主之
而惠爲流土舍協司事令聽調贖罪焉

沅州麻陽苗以迎龍神釀錢相殺沅州衛百戶陳恩
詢之怒殺恩苗自知有罪推二花頭爲主擁衆奔貴
州會貴州白苗許龍保與吳黑苗合爲寇出略保靖

間附之嘉靖二十六年兩廣總督侍郎張岳奉命勦

諸苗甫進兵值苗陷印江寇石阡府教授毛淵統民
兵嬰城而叅將石邦憲勇敢能殺賊大破諸苗擒斬
千餘人許保恐聚母妻子女變所衣詐爲湖商婦令
麻陽苗以絲繩束之關舉行過侯村餒甚攫村人漿
飯曰我苗也村人報邦憲邦憲追及之殺諸苗而鹵
其所關舉者惟許保與黑苗跳不獲二花頭還湖密
結湖苗田應朝等爲應援而身與許保入思州詐稱
瞿塘卒番戍入城執知府李允簡去邦憲知其情乃
復提兵邀賊歸驟擊之奪允簡還殺二花頭而許保
仍遁岳乃購降苗麻得盤吳老律等偵許保所在則

靈司合誌

八

許保方匿靈溪洞中裸而居翼日變衣過苗家弔喪
岳乃伏于路擒俘之而遣土目斬黑苗于別洞中燻
其頭以獻并捕殺湖苗之陰附者田應朝等賊平
萬縣黃俊者本湖苗于嘉靖三十三年入龍潭安撫
司踞支羅山洞與其子黃中白晝殺人捕繫之會白
草番反中乃爲父上書請從征白草番立功而自乞
爲副許之及從征則附反者副使熊遠等復以計擒
俊疲死獄中而中以漏網仍歸舊巢築牛欄坪寨守
之號天城自稱天城王流劫奉節雲陽間四十四年
川湖兵夾勦中力竭復降梟市中

劉堂良岔處諸寨苗也其寨二百餘故辰沅所部旁近桂林貴筑盤亘八百里阻山爲寇萬歷中上遣將提兵勦之不伏先是叅政項思教與叅議龍宗武等每以思相結爲撫綏計諸寨動心至是湖撫李江貴撫劉庠一意請撫檄叅將鄧龍等大會辰沅下招徠之令久之劉堂良率苗萬人來于而縛詣軍門請降且言願歸土六百里得附編氓末生死唯命乃遣指揮一人屯天柱所專以撫苗爲務每寨立寨長一人或三四寨或八九寨則立團長一人凡歲九月卽封輸賦稅以金入靖州庫而以餉入天柱倉屬兵備按

驗三年無過舉則用鼓吹花幣賞賚如令兵部尚書張學顏上其議可之上乃賜李江劉庠銀三十兩表裏各二項思教等銀十五兩叅將鄧龍守備周弘謨千戶陳文魁騰霄百戶郝文渙等銀八兩有差

草坪苗石纂祿奪天星寨苗兵總滿勝等而殺吳順和逐寨民三十餘家其明年天星吳什傳天文糾龍集寨苗胡才殺草坪苗龍顯等以報之而石纂祿復殺龍集寨苗吳天保等千餘人謂其助天星也于是讎不已萬歷中黎靖叅將黃斌移之撫諭使邵陞及

御史其土价分守郭棐兵巡金德輝問狀乃遣邏司

方承蛟詣草坪天星逮兩家苗不至復遣吏目吳廷
季往又不至於是救百戶黃鐘音文獻朝就問鐘音
即請兵與俱許之翼日赴草坪至月團坡銃鳴諸苗
恐遣婦女出觀值風急旌旂聲獵獵婦女反走各闔
其外戶不敢出旣而偵者謂官兵少易與乃皆環甲
貫弓矢迎鐘音馬前鐘音叱之曰爾輩欲反耶石纂
祿殺吳順保不過輸銀五百兩貫其死乃不奉乎喚
故我承救來就問祇欲出纂祿一對簿耳此與爾輩
亦何與而爾輩無狀敢拒我何也言畢趨獻朝下坡
而自策馬先軍行至瀾泥所有楊慶和者與石曹楊

道總揮衆前謂官兵馳我無却理且五百銀誰輸者
不如乘其少攻之衆曰善遂擁衆向鐘音刺其喉并
殺兵王明等三十六人守巡二副使急率靖州守鄭
雲鎬辰州判官祝養蒙未從令孫夢熊五開指揮戚
元勳並提兵至草坪必掬滅乃已于是諸苗始大恐
請出石纂祿楊慶和等而自願輸賦贖罪會分守副
使先以他事遣使石惟忠奉火牌至團屯屯長石纂
寬倚之旬其轉請時苗衆皆聚謀集惟忠所惟忠稍
示以利霄衆懍然日視天漢豎手捧其耳怒散去少
頃老少負戴運草食確磴入箐篁中有以牛驢運者

見漢使不顧漢使問之亦不答婦女跣足走有嬌好者騎人項以趨移時屯寨爲空乃膠致楊道總石看才等至守巡所而餘苗閉山等不出守備吳時喬請之守巡二副使將還師值特洞龍集諸寨讎草坪亦援兵來會願効力先驅必斬其渠魁乃已于是守巡二副使檄廣西六甲苗千人助之遂大破草坪生得楊慶和及田能老王等斬首數十級餘苗悉定湖貴撫諭使上書請襲黃鐘音子男而賚副使及府縣官守備千百戶等議以辰沅諸苗屬之未順保靖二宣慰如嘉靖故事制曰可

西河合集

蕭山毛奇齡

字僧開
又字子稿

陸霽文端
彭軹元車較

蠻司合誌

二

貴州

貴州古羅施鬼國自蜀漢火濟從諸葛亮討孟獲有功封羅甸國王嗣後唐阿珮宋普貴元阿畫世居水西有爵土洪武初阿畫子靄翠與蒙古反又名朱欽者皆以元宣慰使獻地歸附太祖嘉之使仍爲宣慰而普定女總管適爾及其弟阿囊亦以來朝授適爾

蠻司合誌
卷二

女知府賜以錦綺當是時已開貴州設貴州長官司命都指揮顧成指揮馬華鎮守之築城建石門五將以立州縣而未逮也既而思南宣慰使田仁智思州宣撫使田仁厚爭先納款獻鎮遠古州軍民二府及婺川功水常寧等十縣龍泉瑞溪沿河等三十四州地卽以其地隸雲南管轄而以靄翠所守地隸之四川翠復請開隴居犵狁以拓已境不許于是成乃討新添諸寨闢草萊使征南官軍得以取道而指揮張岱平峽刺向關破的敖寨同知吳汝平江力江松殺播桶破下沙木洞信國公湯和江夏侯周德興從

楚王楨討思州諸亂寇破上王洞殺吳面兒俘四萬餘衆且與江陰侯吳良平潭溪古州二百二十三洞藉其民一萬五千人都督楊文同知韓觀勦古州洞蠻林寬俘其衆三十阿等而顧成又復勦平平洲六洞磅嶰天柱天堂大坪小坪諸寇凡一百三十七寨會文皇卽位思州宣慰田琛與思南宣慰田宗鼎構怨相殺而副使黃禧佐琛攻宗鼎宗鼎走琛殺宗鼎弟發其祖墳墓而戮其母屍時顧成封鎮遠侯以兵五萬討之執琛與禧而琛妻冉榮復招誘臺羅抗命上乃囚琛禧思赦宗鼎而宗鼎偏強且自愬祖母阿

施會名禧與姦造禍本殺已祖母亦討宗鼎殺親母竄亂妻女乃合治宗鼎琛重罪使子襲而琛母楊氏宗鼎妻冉氏皆前後赴闕朝貢乃以思州思南三十九長官司改設思州思南鎮遠黎平石阡銅仁六府并普安永寧鎮寧安順四州陞貴州爲省而以布政司領宣慰司一曰貴州領安撫司一曰金筑領長官司五十二曰貴竹水東青山徇佐龍里白納底寨養龍坑上馬坑小程番盧番程番韋番方番洪番臥龍番金石番小龍番大龍番羅番盧山水德江蠻夷思印江沿河祐溪偏橋石阡苗民葛彰葛商龍泉坪銅

仁省溪提溪大萬山烏羅平頭者可募役頂營十二營康佐寧谷寨西堡木瓜麻嚮大華都勻邗水平浪平洲六洞九名九姓獨山州合江州陳蒙爛土豐寧領蠻夷長官司二十曰中曹乖西都坪峨異溪都素朗溪鎮遠金容金達印水十五洞潭溪八舟洪州泊里曹滴洞古州西山陽洞湖耳亮寨歐陽新化中林驗洞赤溪流洞龍里都司所領長官司十二曰新添小平伐把平寨丹平丹行楊義麻哈樂平平伐大平伐清平平定其布政司官屬俱用流官獨府官以下叅用土官十五人鎮遠府同知一通判一推官一司

獄一安順州同知一普安州判官一婺州縣知縣一縣丞一曹沙渡瓮城河盤江谷龍的成河軍韓偏刀水都儒五堡三坑巡檢七其後隆慶中改貴州宣慰司爲貴陽府普市守禦千戶所爲凱里安撫司而增樂平平定二長官司于都勻府蓋蠻種不一有狔獍狔狔木狔貓獍諸名皆剛悍嗜殺外慙而內黠信巫屏隣人死則曰鬼棄之矣不哭至明年杜宇鳴然後號咷而思之以丑寅卯三日賀慶曰平場虎場兔場每把忌必杜門不出越若干日而後已犯者不吉其居水西曰烏蠻爲烏羅羅居募役曰白蠻爲白羅羅

深目長身荷瓊而戴笠束以韋索左肩羊皮佩長
刀箭箠多力爲諸苗冠諺曰冰西羅鬼斷頭掉尾言
至死猶健也爲人戀主故安氏四十八部世長其上
無所忤男女皆跣足棄絕禮教父兄弟死則收其後
於而妻其妻新婦見舅姑不拜祿而進盥曰奉堂白
蠻稍貧食鼠雀螽蟻若毓女子擇善淫者而娶
之其名狻者蓬頭赤腳輕死好鬪殺腰繫桶裙以
布爲之花布爲花狻紅布爲紅狻狻在平伐者爲
打牙狻狻在新添者爲剪頭狻狻又有猪屎狻狻不
潔臥猪欄中別有狻狻有狻狻一曰楊黃好鞞鞞善

蠻司合誌

四

淫其名狻者頗類中土嘗樓居飾婦以長裙細績
而覆以青衣鬢髻蒙單殼若冒絮然未嫁者裸奔不
禁嫁卽否家家擊銅鼓爲樂有宋家蔡家相傳春秋
時楚子俘宋蔡二國人而放之南疆遂爲夷而尅家
爲駝後冉家爲猓後冉有砂坑土人嘗採砂者磬謂
之砂床良者比箭簇設戍守之而因以爲利別有尾
灑家尾灑者水下也人死以杵埋椎塘而歌椎塘者
曰也至若龍家則俗類狻家而衣尚曰遇喪服則易
之以青然有所謂小頭龍家大頭龍家狗耳龍家者
大略諸蠻尚淫多女子爲政其襲替多女土官異于

他族如建昌知府師克武定知府商勝東川知府勝古烏撒知府實土皆洪武中女主官也當其時在水西有奢香

奢香靛翠妻靛翠與蒙古反同歸附而蒙古反死其妻劉贖珠襲宣慰使朝貢賜錦綺靛翠美之于其再朝則遣妻奢香隨贖珠後率土酋十五人貢方物馬匹太祖大悅祿賜文綺織錦珠翠如意冠金環繡衣遂于靛翠之死奢香亦得循例赴闕襲宣慰使顧香度事上而傲于待物既襲頗自大都督何福討羅羅還奏香桀驁不用命當竝致討不報而香感上意于

卷二 蠻司合誌

五

其年冬急遣子婦各助率把事頭目允則隴罔入貢則賞賚尤厚時都指揮馬華者開普定驛傳役以官兵將盡驅諸羅爲郡縣地而苦無其間會香爲他羅所訐華故惡香傲至是欲辱香激諸羅怒然後俟其反而加之以兵乃驟傲香至責簿香不勝此壯士裸香箠其臀香怒甚斷所佩革帶誓必報而四十八部羅咸集香軍門憂願掃境反香曰反非吾分且反則人得借天兵以臨我中反計矣我之殺反者有在也謀之贖珠贖珠曰盍見上愬之乎曰愬則何以殺之贖珠曰夫上之所以重華者以其能開郵驛恢邊

境耳今四川道梗曾未通達我能助蠻兵爲土開思
南鎮遠隴聳羊腸諸道以達邛蜀上方倚我之不暇
何惜此區區旣邊釁者香曰然遽邀贖珠行而已與
奢助率各部把事隨之入貢具言華激變及諸羅欲
反狀願効力開西鄙世世保境以乞除此害上且驚
且喜曰吾固知此奴妄果然微若言幾敗乃事矣乃
責香開道而中華以事殺華香遂開偏橋水東以達
烏蒙烏撒及容山草塘諸境且立龍場九驛歲歲供
馬匹糜積以通往來而西南益闢天賦亦充

宣德二年木西宣慰頭目阿閉妨宜與普定衛西堡

蠻司合誌
卷二

六

長官蠻民阿骨阿哈共爲亂貴州總兵官蕭授上書
請討上不許敕遣官撫諭而羣苗大起有底寨干炒
豐寧羅父蕩谷旺甲農甲恕平若阿夜谷把革子裸
普安州裸革治古答意石各野銅仁平頭者可瓮橋
石雞娘算子坪吳畢郎等各聚衆相應初朝議主撫
謂蠻夷僻遠不宜與爭第寬以撫之使之自來因盡
蠲其戶丁銀糧諸賦稅而負罔愈甚遂至治古答意
新郎諸寨殘苗吳不兒等結生苗龍不登糾合下高
大刀蠻民劫略城郭殺軍民燒公私廬舍不得已乃
始調湖廣四川諸官軍及各長官土兵以總兵官蕭

授及三司御史統之且撫且勦而其患稍息其既也
新添衛丹行長官故土官子羅朝扇與逃民羅阿記
等復蠢蠢動會指揮僉事李政鎮撫有方爲蠻民所
信而以他事被逮去至是復政官俾守之其餘都勻
衛陳蒙爛土諸苗韋翁同等有未靖者議調廣西泗
城州土兵千人立堡鎮其地至正統中兵部尚書王
驥征麓川悉調貴州兵以行而貴州空虛久之諸苗
反驥還討擒酋韋富撓等獻俘而驥以老病告歸使
侯璉代之璉駐師雲南相去遠保定伯梁瑤自湖廣
奉命入貴州未至其當推貴撫無敢往者獨修撰王

恂慨然請行行則平越新添畢節龍里諸衛已圍困
久兵少不敢近景泰元年吏部侍郎何文淵上言貴
州總兵官生分激變已非一日今兵疲民困又當遣
將征南之際湖廣雲南川三布政司轉運不給貴
州山高嶺峻本難設守而蠻人叛服不常乞敕兵部
會多官議其被賊燒燬官舍勿再造暫將布救以下
及各府大小官吏并從征官軍一切撤回祇照洪武
年例設宣慰使司管屬土人設都司都指揮等官鈐
束軍衛而以大將鎮守之便時邊警方亟衆唯唯謂
文淵言是獨兵部尚書于謙執不可以爲太祖高皇

帝開創于前成祖文皇帝經營于後迄于今將百年矣法制已定勢無可更比來以邊將處置乖方加以征南之師數出遂致賊寇竊發勞師遠征然且一年之間各該城池雖被圍困而官將死守未之稍變今總督總兵叅將巡按三司等官初未嘗言此地可棄也其請兵請餉亦未嘗言此地難與守也夫土地者祖宗之土地人民者祖宗之人民萬一缺軼猶宜補救今堂堂布按盡轄其地小有枝梧而動言棄擲日蹙百里伊誰之咎文淵先曾奉使貴州備諳山川險易夷情向背宜量從陞職給敕以往令相度形勢便

宜行事至賞賜銀幣卽就彼官庫支給不必京師運發議定請旨景泰帝是謙言然不復差官祇着侯璉梁瑤整理進勦時王驥尚候代未行并敕協力於是副總兵田禮進兵解平越圍侯璉調都指揮鄭儁及都盧等寨宣慰瓏宜勦水西梁瑤調雲南兵由烏撒會于畢節調普安州土官隆本援安南衛遂尅彌勒安南等六十餘寨降阿蒙等五寨賊復圍平越璉回兵擊却之分哨七盤坡羊腹河楊老堡解清平圍仍哨清平迤東至重安江與王驥兵會自是隆安至鎮遠道路皆通而普定之圍未解璉還雲南善射者爲

前鋒自將之至。普定疾戰。矢下如雨。賊大敗。驅之特田禮等。以兵來會。遂大破龍里。瓮橋及新添。平越。清平。都勻。諸賊。貴州盡平。

成化十七年。貴州程番知府鄧廷瓚。奏本府學校中。有土人子弟在學者。宜分別處置。以示獎勵。上曰。蠻夷嚮化。其意可嘉。既已建置。生徒有同內地。則一體相視。原無分別。祇科舉文義。未易猝辦。先應歲貢生員一人。俾觀光上國。相勸于學。以稱立賢無方之意。諸蠻大悅。既而蠻性終未馴。廷瓚去諸苗。稍稍叛。乃復起。廷瓚憂服加副都使。提督軍務。鞫縻之。至弘治

蠻司合誌

九

初。提學毛科。以文試土生。倣廷瓚意。多獎勵。會土官鐵氏。負固其姻家。有毛氏土生入試。科優禮之。取高等。譬以大義。令諭鐵氏。使歸順。鐵氏大感。與毛氏相約。納賦稅入貢。而大監蔣琮。謂科與蠻族通。姓利蠻。所有大不道。賴巡撫解免。其後蠻民亦稍稍有向學者。

普安州土判官隆暢。有後妻曰米魯。負美色。嘗以忤暢。出居其父。霑益州土知府安民家。暢前妻子禮。因暢老。奉朝命。替暢為判官。而聽營長阿保。讒父子間。不相能。米魯。覘知之。諷阿保。使禮迎已。而先與阿保。

通阿保盛稱米魯思禮狀禮念魯色美且惡暢竟迎
魯同室居烝魯且名阿保雜淫之暢聞大怒立殺禮
燬阿保寨阿保乃挾魯統其子阿鮮莫阿歹兒抗兵
攻暢破暢寨百餘暢敗竄之雲南時東寧伯焦俊爲
總兵官與巡撫錢鉞名阿保及暢曲爲調釋而誓以
官法兩家各唯唯于是暢臨訣米魯出送暢拜且泣
親掖暢上馬枕暢股咽咽若不忍去暢者遂陰中暢
毒暢路死阿保與魯據寨反會暢別有妾適烏生二
子曰珀曰琰居安南保魯欲并殺珀琰絕暢後事成
王諸蠻不成猶得以女土官襲職乃于安南城外築

蠻司各誌

十

阿先硬寨阿保與魯親守之而別築青黑猴場查刺
三硬寨于普安州拖長江諸處令阿鮮莫阿歹兒互
爲防守更名所居寨爲承天寨號無敵天王出入建
黃蘂御史張淳救捕之不克賊益橫鎮巡官以聞乃
命發十衛官軍及諸長官司土兵萬三千餘人分道
進兵且名安民責以匿賊狀使殺賊自贖民乃率土
兵攻斬阿保父子于查刺寨米魯亡走久之焦俊奏
言賊弄兵十年先後據夷寨百三十餘殺傷官軍人
等無算而女戎擁黨尚匿土官安民家不法孰甚仍
宜責民勦餘賊或獻牝自贖而安民承命陽爲進勦

反陰資米魯蠻兵五百襲殺適烏及二子珀塔絕顧
望乃密遣營長福祐隨米魯顯據別寨大殺略且投
牒鎮巡乞以女土官襲職巡撫錢鉞及副使周鳳都
指揮劉英吳遠指揮任禮張英楊芳少監楊友總兵
官焦俊皆受魯賄請宥魯聽襲朝議獨不可切責之
必得魯乃已會貴州副使劉福自詭知兵衆倚之追
勦而仍作移文取賊賂賊憤甚乃襲殺周鳳吳遠劉
福等執楊友而指揮史韜閻鉅李雄郭仁李宗武等
皆轉戰死上乃命南京兵部尚書王軾巡撫陳金都
指揮李政等統官軍進勦奪楊友還破阿舊阿滿阿

黑阿維二十餘寨斬寨首阿烏阿宗及福祐子阿魯
獠賊襍車生擒米朶阿舊目波衣江西賈人龍清監
生洪子華而米魯福祐皆竄走匿馬尾籠無何大兵
合圍之乃擒米魯福祐及祐妻攝受妾適固子阿雜
等斬之而下安民于獄旣而民自辨赦民正德元年
暢族土婦適擦襲土判官職親赴京朝賀貢馬上甚
嘉之或曰適擦亦暢妾

阿溪清平衛苗苗獯多猜有養子阿刺饒膂力能
披甲三重躍地而起越三五丈兩人謀勇相資橫行
諸苗間假子母罔苗利而誘他苗爲倫兒間劫旅商

有官兵探捕者反爲之居間邀重賂否則捕遠苗之不伏已者強指爲賊鎮巡以下則夤納歲幣以爲之地弘治中巡撫孔鏞初到官患之詢之監軍總帥皆譽溪刺如一口鏞大怒親往清平訪部曲中最能者得指揮王通歷詢苗害應如響而獨不一及溪刺鏞微探及之通愕然旣而囁嚅鏞怒叱曰汝謂我不能殺溪刺耶雖然吾能殺汝按劍前逼不得已始道狀且備言所以夤緣要上官者鏞詢得其人一指揮王會一總旗陳瑞鏞立劫會瑞欲殺之令畫計擒溪刺自贖會瑞乃謝去畫擒溪刺法曰非鬪牛不可俗鬪

牛以券多爲勝必集大姓置草間鬪之乃陰令各帶出兵伏牛傍而鬪以百姓刻期應援遂往謁溪刺語鬪牛事溪刺喜欲行以雞卜不吉遲回間溪言吾夜夢魚咎張吾前如何二人曰張咎得魚此吉徵也牛必屬王矣溪刺益喜乃與二人刻木行至牛場相牛伏四起連矛進刺刺徒手傷百餘人竟就執并溪繫之膠車至鏞前鏞詢之溪垂首不語刺獨仰頭祝鏞曰吾不畏千萬人獨畏一孔公然不知擒我若是易也溪刺死有子竄都勻檄往擒之悉殲焉其後有阿旁阿皆阿革於正德十一年據香爐山稱王遍攻與

隆偏頭平越新添龍貴諸鎮道路皆阻巡撫曹祥楪
諸路兵進勦不克乃奏請總兵李昂及湖撫秦金會
勦擒賊阿韋阿義阿黎而香爐山險百攻不能下乃
雜製繩梯及鐵猫爬山虎諸具督令宣慰彭九霄彭
明輔等選精銳緣崖而上拔木柵縱火焚巢斬賊首
阿傍等乘勝勦黑苗破龍頭寨及都蘭都蓬密西大
支馬羅擒酋阿茲等其天漂天壩黎從楊保苗坪諸
寨悉聽招撫復業者三千八百餘戶斬首一千五百
七十九級迥撫苗衆三百七十五寨捷聞下璽書獎
諭賞賚有差

安莊女苗撒得爲土舍林天仲妻不相能嘗捨得足
纏曰此非苗家法裂之衆中得怒甚值富蠱倡亂得
乃挾土兵三人牛四頭從富蠱圍平越蠱感之迎得
巨魯寨通得住三日許事成爲后會王驥征麓川歸
擒蠱并得解京師時香爐山賊惟蠱與韋同烈最强
天仲憾妻得奔魯會借同烈兵殺得不克至是得自
請于朝願爲香爐山向導立功贖死值于謙奏遣國
初降番徙置河間東昌者令從征香爐山勒留南小
以絕也先之應于是許得請弟殺蠱而使得爲向導
帥降番行且指之曰苗女之美如是也以飲之得乃

引保定伯梁瑤直搗同烈巢擒之而天仲戰死
正德十年金石番長官石承隆殺其兄承暹反守臣
擒之死獄中其年銅仁苗龍童保與鎮溪苗龍麻陽
巢子百夫長龍真糾衆爲亂都御史沈林湖廣都指
長潘勳會兵征之連破領巢亞酉亞保生擒童保麻
陽及其家口而釋其餘叛者

水西安氏者靄翠後也自奢香之死其弟安勻孫安
貴榮先後承襲故世稱安氏但驕蹇不受節制卽聽
調從征非邀重賞不赴且渺視官軍嘗睥睨省城曰
是直用水西氍衫疊塞耳正德中榮以從征香鱸山

登司谷誌

十四

有功加貴州布政司叅政猶快快乃奏乞減龍塲諸
驛以償其功事下兵部議時兵部主事王守仁以建
言謫龍塲驛丞榮敬禮之守仁乃貽書責榮止其事
其略謂祖宗制度不宜擅改擅改者謂之變亂雖在
朝廷猶不可况其他乎夫使君之先亦何嘗有積功
累行可長斯土而自唐迄今世官不改亦曰有朝廷
法制在也今日驛可減則世官可革久矣且夫旣爲
世官則爲朝廷剗除寇盜正守土常職而乃藉區區
征調用以邀賞則使君歷代恩寵將置何地况使君
得改叅政原非設官之舊今復干進不已萬一典銓

者曰向係土官故長有其地今叅政則流官矣東西
南北惟天子所使于是下方尺之檄委以他官或聞
或蜀誰敢勿行由此言之龍塲諸驛非使君所有也
榮得書怳然驛竟不滅既而宋氏部羅叛徵榮兵不
至守仁復貽書責之竟至榮死子萬鍾襲萬鍾驕縱
甚于榮有漢民張統土目烏掛導之惡每游獵酒酣
輒射人爲戲嘗撻夷民角藥抹鬼阿內抹蔥四人怨
之一日集督府督府未出候于外有賊刃萬鍾頭去
索賊不得旣而稍稍知角藥四人四人逃時萬鍾無
子其三弟萬鎰宜襲鎰以賊未獲故辭謝間統與烏

蠻司各誌

十五

掛遠保其疎族普者冒萬鍾弟曰萬鈞告襲指揮胡
未遠朱蕃祖勳前後承勘受其賄匿情報鎮巡等官
謂普者襲是但普者幼請暫委鍾妻奢播攝宣慰事
待普者年長而後承襲于是萬鎰悔辭謝使人說烏
掛不聽大恨乃借所親雲南女土官奢爵兵并已兵
共數千人襲烏掛烏掛覺之亦募兵數千相讎殺而
角藥抹鬼阿內三人適在境爲亂兵所斃惟抹蔥逃
免烏掛因誣鎰殺兄鎰亦誣兄爲掛殺疏十餘上下
鎮巡勘驗巡按胡瓊上狀言萬鎰宜襲但與烏掛互
相誣訐宜各治罪令輸贖統坐遠戍蕃勳未遠奢爵

俱逮問梟角藥等首捕抹蔥而罰布政司趙文奎等
之納賂者鎡乃承襲收嫂奢播爲妻仍雄諸疊鎡死
子阿寫幼嘉靖七年提督尚書伍文定請其弟萬銓
攝事俟阿寫長承襲久之阿寫襲銓去位而阿寫又
死阿寫子國亨幼夷民仍請銓視事俟亨長承襲至
嘉靖四十一年亨承襲銓又去位而于是有安智讎
殺之事

西河合集

蕭山毛奇齡

字大可稿

又各生稿
昂天翻狀上較
田得名銅卿較

蠻司合誌 三

貴州

嘉靖元年貴州巡撫湯沐上治苗三議一預定土籍夫土籍不明則爭奪所由起也今土舍傳接應如軍職貼黃例各于歲終上其世系履歷及有無嗣子于布政使司司又上其籍于部而起送襲替可按藉定矣議一一嚴飭土學凡土舍應襲者年三十以下俱

蠻司合誌
卷三

飭入學習禮否則不許起送襲替其族屬子弟願入學者聽凡一切補廩科貢與軍民武生一體則禮教可行夷俗可變議二一清查軍伍請以五年為率通討天下衛所軍士舊在新勾以科逼在逃者指揮以下議罰都司叅問其清軍御史不第清坐勾軍丁且兼理缺乏軍伍令所在有司各開報解發收伍名籍于都布二司二司呈送清軍及巡按御史彼此叅証則諸弊可革議三

三年鎮遠土推官楊載青以土舍襲職管中貴州鄉試巡撫楊一漢請如武舉襲廢例加陞一級以為遠

人向學之勸吏部執不可謂土司額設原有定員且俱已在任有何加陞但于本衛量加俸給著爲例報

可

都勻苗王阿向者屢據凱口圍稱亂官司不能制遂于十五年夏發兵攻平浪鎮巡官招之不下詔遣巡撫陳克宅調土漢官兵三萬集圍下圍故絕險賊復于要害設弩樓疊石防守攻三月不克乃先分兵歷破賊黨凱曾等圍隨招降附近諸苗至四十九寨賊稍離散然後令土官安萬銓購壯士能猿拔者乘夜雷雨以鐵鉤縛手足若指爪然攀崖援木以上然

蠻司合誌

一

後用輓梯鉤繩使衆軍魚貫躡絕頂發弩石下擊總兵楊仁等督各哨仰而夾攻之萬銓兵自山後馳下開圍門遂斬阿向及賊黨十餘人凱口盡平是日斬首二百五十級俘獲四百招降夷寨男女二百餘口遠旋師旣而賊復振先是阿向之祖世襲土官忽爲平浪王仲武先用計奪襲遂爲世讎而阿向亦復與仲武爭印割地相攻殺于是有凱口之役乃凱口旣平克宅議盡逐苗黨以其地屬都勻府召軍民佃種改前圍曰滅苗鎮仲武因諸夷失業陰遣人招復旋科索之諸苗怨望私推阿向餘孽王聰王祐朱兔

等爲主謀糾合黑苗與其黨攻據前國驅逐耕種軍民多所殺鹵鎮巡檄副使叅將守備等官分領土義兵進勦賊亦乘雨夜襲破守備鐵冠諸營生執叅將李宗祐指揮陳佐周鍾并百戶軍舍等三十餘人詔革總兵官楊仁及前任巡撫陳克宅職停監軍副使陳則清兵備副使林茂仁俸褫指揮守備等官及鐵冠王遠周仁等四十人冠帶而下王仲武于獄旣而巡按御史楊春芳遣官撫諭賊爭赴訴求還土田并復其官印乃願釋宗祐等謝罪而究無成說嘉靖十六年都御史汪珊仍調土官安萬銓都指揮朱文指

揮李木統土漢官兵三萬有奇集圍下萬銓親率花鎗手與賊相拒賊敗走渡河萬銓追之朱文等三面竝進因樹招降旗于道賊走旗下者五百餘人聰兔據險下矢石我兵殊死戰遂破其圍斬兔等聰冒雨潰圍出爲萬銓部兵所執已而賊酋王祐等復入據圍隨執之賊平是役也前後斬首三百六十三級降苗寨一百五十俘獲賊黨男婦三萬餘口土人蜡爾山界辰州銅仁之間有篳子坪土官用興爵者以事繫辰州獄諸苗賂吏陰脫興爵歸藏蜡爾山久之興爵稍聚衆自大反恃土官勢逼洋諸苗婦且虐

諸苗之脫已者嘗至土兵隆反家呼其婦不至殺其
求子者罰之值隣人鰥阿留死或告興爵阿留弟婦
婦貌美弟死與阿留同居興爵遂奪阿留弟婦負
以牛將入山隆反忽率衆遮興爵諸苗被虐者亦何
甸前興爵知不敵乃挾刃且戰且却會銅仁苗久遁
賦知府按逋籍責見戶見戶且亡命知府乃責其土
官償之于是平頭長官者懷印與所部諸苗奔逃至
蜡爾遇興爵興爵遂附之合拒卓子苗其保蜡爾稱
兵反官軍討之不能克鎮巡上其事上特就家起萬
鐘爲副都開府辰州命相機進勦鐘徵諸路土漢兵

討之仍不克去嘉靖二十五年湖廣巡撫姜儀言鎮
巢銅平諸苗皆互相結援而土官從征者復故爲陰
縱以牽掣之遂至蔓衍不可拔自今以後宜專責宣
慰彭蓋臣彭明輔指揮田應朝等督土兵同漢兵會
勦不克者治之以法如是則事可立辦上是之于是
遣侍郎張岳督諸路會勦責成土官之從征者遂破
蜡爾山斬其渠且以計擒貴州苗等并杖殺田應朝
而其亂始定田應朝者本土指揮使以田氏與興爵
同族鐘用爲巡捕使伺興爵反結興爵煽諸苗亂是
時鎮巢銅平及貴州諸苗龍許保吳黑苗等皆其所

陰結爲應援者至是杖殺之餘見湖陽麻陽苗誌
當萬銖之去位也有二子曰智曰信智出居織金阿
魏而信留事亨淫虐嘗暱吳瓊吳珂而通其妻若
姊絕愛幸令百姓謁瓊珂皆跪起叩頭如謁亨信諫
之惡信其旣以他事罰信馬信買珂馬進亨知爲珂
馬也復給珂信大怒嘗醉把劍呼十麻必覺語曰吾
欲殺吳珂如何上麻唯唯會夷目阿戶問之以告亨
亨殺信信兄智馳告其姊夫末寧土吏奢效忠同稱
兵討亨會亨與母祿氏擊烏蒙土知府福榮榮本祿
氏姪曾與弟烏慮有郤祿氏呼烏慮來妻以所部女

卷三

五

實佐使慮借烏撒兵同擊榮而慮以出兵時淫所部
路珠妻女爲路珠所殺亨并留慮妻實佐使訟榮殺
慮正會勘問而萬銖妻疏窮與土同知安國孝以殺
信告且發其殺四峒人及烏慮事上遣給事與鎮巡
官雜治之未行亨已與兄智及奢效忠戰于朶泥橋
大閩互相殺奪亨奪智及效忠所部阿租罵雍沙那
者抵者墮者頗褒遮班鳩阿宗而智及效忠亦奪亨
所部勒普革普豆得剽果底威索務驢自非自水西
谷里威清奢香陸廣金雞諸驛皆阻廢不通都御史
阮文中御史鄭國仕等初議調諸路兵大勦亨亨自

知不法頗愆既而議夷俗讎殺縱稱兵第當就吏議
曲直不宜煩我兵革遂遣宣慰宋一清約法令究殺
信罪且獻諸主謀者亨大感立獻阿弟吳瓊吳彤務
卒惡卒吳珂何高等復與前而後乃對簿伏殺信狀
當死于是以三萬五千金自贖而以六千金贖務卒
等事定亨與智俱去職令亨子安民行宣慰事智子
國貞行夷目事亡何亨所部阿撒沙拱阿朋阿豆復
以私憾殺智卒四人傷一十六人智復報殺仍具獄
萬歷改元都御史蔡文都司高金宸麻哈守親詣木
空河讞不決其明年秋都御史羅瑤下同知高任重

司理常正和雜讞復不決當是時智所主謀者吳鶴
駕亨所主謀則吳阿軻吳阿箇也亨暱阿軻與阿箇
甚于瓊與珂而阿軻與阿箇之妻若女其爲亨所有
與瓊珂等于是按察司林庭章直索阿軻阿箇與鶴
駕同治罪且盡逐漢人之藏夷者而後使亨智對簿
亨乃大思請輸的都朶你及毛家可瓦大南王莊張
三壩豆紅崖左王右王陂花蔡官梨兒鮮隴二十四
寨與智和解終智世而後還亨其一切所訟俱置不
問僅罰亨入穀千石智三百石贖罪軻箇以下皆輕
重輸贖有差亨乃益感矢報効以瀕前耻時賣羔堡

阿古界首阿崖阿散皆強賊阻山爲寇亨悉擒捕膠
致凡威清平壩之間道無伏莽又水西酋長者普犯
十二營鹵土婦隴氏亨逮以獻兵備使余一龍爲之
奏聞值水西有阿列之酋谷里有阿古之酋白歸之
酋白縱之酋阿扯之酋威滑有阿捕之酋奢香有沙
遮之酋阿自之酋陸廣有阿列之酋阿虐之酋普也
妻之酋余雞有阿遂之酋其次充諸驛驛騎馬匹皆
前後散去亨急爲舉廢驛騎盡復乃悉令夷酋辟地
墾草勸農桑察贍貧者流夷自占而還者至一千三
百一十八人是四十八部酋長十二宗親一百二

蠻司合誌
卷三

七

十麻葉末則阿體等匍匐告都御史王緝請復亨冠
帶許之至萬歷十二年復以他事議褫冠帶旋褫旋
復其後女土官奢社輝與安邦彥合爲亂卽亨後
苗坪天漂黑苗種也在湖貴川廣界與者亞鼎足居
每入漢必道者亞顧爲生苗前此未爲漢所屬其俗
男子蓬跣短衣而長禪女子則花裙銀鐲而深墨
色獨多力好畵萬歷六年天漂阿蓋等三十餘人詣
長官余篆所願輸賦役爲編氓請刻木立信都御史
何起鳴下兵巡蘇愚問狀遣指揮郭懷恩及長官金
篆同往而阻于者亞乃遠從丹彭問道通天漂會苗

坪黨銀等十餘人亦詣篆所同天漂所請皆以者亞
閉關不得通時都御史王緝新赴官使使者縛責者
亞酋阿斗謂斗故我屬何至梗道阻嚮化者斗叩頭
服謂我等本平定部也爲養善牌所誘因斃去平定
而歸養善今養善奴視我寧能從乎閉關所以拒之
也今願往平定請以者亞定所屬因下吏議議屬之
都勻獨都御史執不可謂平定孱弱無可藉其願往
詐也此必有主謀其問者復下吏案驗吏乃呼阿斗
密詢之果得實謂漢人天金貴及張受主謀教言往
平定而陰實借諸蒙兵以襲養善乃治天金貴等罪

令者亞一十五寨仍屬養善牌如初而者亞路通于
是苗坪天漂皆請奉貢賦歲輸賦二十四兩天漂五
十七寨歲輸米一十二石貢馬二苗坪九十九寨歲
輸米二十四石貢馬四遂請符驗更冠服以華名名
其牌曰歸化隸都勻版籍凡使往自生齒以上悉跪
拜送使至平定夾騶從行前吹蘆笙杖鼓唱蠻地歌
呼道而馳事聞上嘉之名有賞賚令苗坪立都保一
人通事二人頭目十人寨長九十九人天漂立都保
一人通事一人頭目五人寨長五十人而以指揮
一人軍二十人常從把總巡徼塞主曰將軍令毋匿

亡命毋動小忿敢不如令者斬越七年者亞阿斗反
伏誅乃復罷樂平吏曰加麻峪州州判一人令居樂
平司而以養鵝者亞羊塲落那餘甕河樂戶西諸苗
皆屬焉

毛吳墜者末寧苗寨也其隣有長牛阿田者于隆慶
初曾出劫白鄧魯打單廣三屯都指揮陶鼎持斧逐
捕之中流矢死而毛吳墜酋長光賽光見攻剽羅紹
華張斌匡廷鑾殺羅顯奇五人斌上變言賽見反并
及長牛殺指揮事萬歷七年詔令都御史王緝御史
馬呈圖督兵進勦而緝與呈圖疑所上不實遣普安

卷三
續司合誌

九

末寧二知府按視長牛毛口諸寨覘變而光見知
府至負弩出郭迎叩頭願將軍幸哀憐吾小人死請
輸貢賦比編戶氓民乃拘使對簿無實釋之而坐
獄等誣罔律且以斌調末寧廷鑾調烏撒獄上初斌
上變時謂賽見所居在五龍止京箭林問宮室典服
皆擬王者出入張黃蓋樹幟擊鼓號雲陽王大不
道故延命進勦而皆無有張斌嘆曰吾北行時有阿
迷土目方仲八贈我百金為治裝以我能告見反也
不如是吾何以對方土目哉

貴陽苗寨有也香狗塲與者亞通婚媾會長老頂宋

已歸附輸租賦有年顧貧甚歲比逋負不得償寨傍
有高山以爲險每漢使至輒走高山頂鼓譟詈罵使
還報有司無如何于是稍稍輕漢使乃陰集亡命劫
人奪金帛久之遂至及十一年都御史劉庠檄宣慰
安國亨宋懋德統紅兵勦之生擒老頂宋等九十人
梟以徇曰敢亂者有如此刑

答于雞賈甲多皆都勻苗寨也都勻苗者亞阿斗及
而答于寨阿其應之斗誅阿其以幸免乃累累犯寨
十四年土舍吳楠王國聘慮阿其叵測禍及已請以
答于雞賈甲多都定崖埋屬蒙詔立宣威營設把總

蠻司合誌

十

一人而以蒙詔佐之凡答于一十三寨歲輸賦三十
九石中間答于輪十石著爲令阿其獨不伏引者亞
殘苗圍宣威營鼓譟曰阿地誰令而營居中乎蒙詔
常使使者阿邦老亂徵秋稅阿其度使至先以血糞
門令勿通居常張緞鼓角繪龍鳳什器遂與雞賈甲
多阿賣胖同阿烏斗留鐵仰枯高開亞仔阿場豹央
者真唐靠諸苗擊牛酒爲誓稱兵劫歸化亭長巡微
至答于問狀阿其出與戰詈罵亭長去官軍莫敢進
獨山土吏蒙天眷請于都御史願提兵進勦而先使
聞者詳言漢已黜蒙詔令以宣威營地還阿其立阿

其酋長朝暮當撤兵去阿其乃親馳樂那牛場訓往來者言言皆符弛備天眷乃設伏左右伺其間驟入斬阿其并阿賣鐵仰枯等一十六級雞買甲多皆歸降而于是屬蒙詔者自答干雞買甲多外又有塘蛙當井斗坡甲樹蠟白礫馬崖埋等一十七寨

小橋熟苗龍木恰曾賜冠帶視寨事年老請子俸替值參議給糗糧與俸勿及恰恰奪之俸恕諸參議下守備速恰恰揮其屬龍黨蘇鎮漢使已而逐之曰走此是我家事如再來則我當以鳥難諸寨殺汝反矣時參議秦舜翰頗立威聞其語卽給籌與恰而以計

卷三 蠻司合誌

十一

擒之死獄中亡何龍化龍羊山引川苗攻孟漢焚其邑居已圍繞壩帶哨曰漢無故殺苗苗請報之官軍戰不利旣而都司蔡兆吉齋奉旗牌諭令降待以不死于是諸苗皆散去俸視事如故

羅金寨生苗吳老夭爲諸苗雄長澈浦張把高盧溪吳老虎下里楊武楊再興五寨黃牯牛水德苟朝隆苟朝祖等皆依之時陳策爲將軍營捕盜得苟朝祖楊再興榜掠放去而阿喬下水有酋長龍老朋索老夭連錢掩至羅金寨擄張把高妻向氏及楊中兒等五人去老夭贖之不肯與反鬻之他寨老夭與黑潭

寨吳小老夭遍索之稍聞申兒賣龍老求家為奴而
向氏無有苟朝祖故惡將軍策謂將軍策實受賂縱
苗匪鹵婦嫉把高愬御史所而策疑吳小老夭陰陽
執小老夭同至羅金寨呼老夭質問老夭怒卽令吳
老虎陽再興等殺策反都御史舒應龍勦捕之老夭
與黃牯牛苟朝隆走湖廣轉入大山崖匿錦梁山久
之貴州副將陳天祐搜諸山設伏獲老夭等梟之銅
仁市

邛水土舍楊光春行邛水長官事而貪頭目彭必信
為之箕歛民怨甚逃諸梁上巴野六甫鬼計諸苗寨

寶司合誌

十二

參議以上皆議請免春改土為流議未行春與必信
單騎遍馳所部莊寨給言漢兵勦夷民當歛金贖夷
民死凡三十六莊七十二寨合得金五百兩兩人分
其金都御史何起鳴調知之下都溝道逮捕春繫獄
瘐死不及必信于是用漢經歷劉試到邛水胥事立
青頗茨瓦四哨每四戶擇壯兵一人邛水四百戶
不下二百人出為兵凡不為兵者佐糧糧三斗魚鹽
月人一觔有八兩皆廩食餘稅而簡土吏何文奎等
掌四哨別選精兵五十二人立營居中裨將徐軻巡
徼之末幾必信乃密誘諸苗謂新法不善不利苗請

與十五洞洞長約爲我治裝我當恕之朝以復舊例
洞長唯唯乃議每洞出裝銀三兩合得四十五兩走
長安上書謂巴野梁上六甫鬼計諸寨酋長喬鵝苗
女喬苗柴虎苗高良等數百人阻山爲亂樹旗幟鼓
角攻七十餘寨殺男婦五百人而指揮使陶啓忠不
之問也反索主吏揭光春錢而殺之改舊例用新法
欲求苗不反難矣書上不肖然而必信意自得歸謁
知府王一麟陽陽一麟叱縛之送司獄乃徵召諸苗
以爲必信所奏喬鵝事此在萬歷初孰與今日今日
若等第不利漢吏耳乃假此爲恢復計有國法在不
便思若等所患苦或以兵餉戶賦米三斗過甚府能
爲若等寬之故事本司歲給白虫舖米每洞月八斗
凡一百五十石他于平溪驛剩餘徵二十二兩此皆
可足餉今已後母苦諸洞請洞皆叩頭稱便乃坐信
誣妄而新法竟行

皮林苗吳國佐少入學爲永從縣生真驍黠有大志
居恒往來洪州草坪等寨相度形勢自謂皮林與九
股接壤山川險奧可因之成大事於是帥皮林諸苗
反始播發難時皮林嘗助逆至是播滅乃結聯他寨
講營陣攻破永從縣燬城郭廬舍殺官吏劫獄囚而

去萬歷二十八年元撫江鏗廉指揮李楷習勇請授
楷勦事會楷征播還自謂當便道歸除不煩專兵其
明年先遣他總兵進勦地險不得入且所遇潘老諸
酋引衆萬餘盡爲牛首陣當者多傷楷嘗探苗洞得
其根株從叢菁中取道僅尺餘旁臨溪不測步騎
相持如是者數十里且苗又斷溝盡布以竹簽楷
所在填接使壯士鄉導逐步拔簽而後行乃先擣潘
老寨奪其險隘遂進擊賴洞岑朝二寨斬酋楊滿金
首生獲龍貴才吳寅龍諸渠膠致軍門轉攻六背山
斬酋華海良萬等三十九級於是破洪州破草壇斬

獲首鹵及婦女牛羊無算乃進逼時洞時洞者國佐
所據寨也然國佐已竄去楷乃分遣編將由他洞襍
入而自與遊擊董獻策沈弘猷當其險者曰其坤卽
俗名銅關鐵寨破之而入窮追至赤沙至高茶生獲
國佐及石寨大金董四吳海等斬首五百八十二級
諸洞悉平捷聞上乃賜金幣獎犒自總兵官陳遵以

下

水西安國亭子強臣曾于萬歷中從討楊應龍有功
及死無子而弟堯臣襲其職至堯臣又死子位幼妻
奢社輝攝宣慰司事天啓元年永寧宣撫使奢崇明

反奢安本世姻而社輝又奢氏女其明年土目安邦
彥說社輝起兵應崇明社輝然之遂通烏撒土酋安
効良合四十八部頭目安邦俊魯連安若山陳其愚
陳萬典等殺都司楊明廷于畢節戕知州郭俊義于
陸涼州境叅將尹啓易自烏撒奔回霑益會霑益土
婦設科合安効良拒戰殺守備李加培周嘉映貴陽
大震先是水西未反烏撒衛指揮管良相覘事有變
與巡撫李樸曰奢安久唇齒奢反安必繼之烏撒孤
城與水西相繼良相隻身無子當以死報國明庭奈
何圖長策保障此一方民乎樸咨嗟而泣良相亦泣

欽定四庫全書

十五

至是邦彥破烏撒良相自殺然後遣賊宋萬化截據
龍里而自提兵圍貴州時城中兵少糧久置樞與巡
按史未安悉力禦之賊四面攻擊造雲梯滾廂矢以
必拔鎮將張方彥將兵二萬赴援隔龍里不得近既
而廷命新撫王三善進勦三善忠勇止不越平越兵
萬人副將徐時逢將之戰瓮城不利叅將范仲仁坐
視遂大敗殺前鋒馬一龍等而軍士皆退三善急召
諸將曰事迫矣前則以戰死後則以法死夫死法與
死戰孰優尚何待也乃命諸道何天麟楊世賞各將
兵從他道進而自將二萬當賊鋒一日抵新添又一

日進毋猪洞又一日次新安是夜報賊至合營驚擾
議退兵三善手劍疾呼曰退卽死此旣而視無賊乃
命劉超爲前部超三善同里人有智略疾行抵龍頭
營三善身尾之相去不二里聞砲聲衆懼不欲前三
善督之旣而劉超捷音至初超兵遇賊却超下馬斬
却者二人而自揮刀斷賊標時賊首阿成曉甚超與
部兵張良俊直前斬其首賊披靡會大兵至齊進奪
龍里賊復大集乃大戰却之遂據龍里城衆議休息
三善曰我兵猝至賊無備此可以破竹而顧却之何
也遽策馬前進衆隨之自平越至此凡六日抵城下

而邢彥已遁遂乘勝窮追至畢節舖賊步騎如雲皆
自相蹂踐而追騎如牆竝進斬獲無算安那俊戰死
輜重山積時城守十月旦夕陷忽賊兵奔竄如蟻賊
聲雷震俄頃五騎衝鋒至城下曰新撫至矣軍民大
悅慶更生是時三善同將卒披氍單騎冒矢石以二
萬人破賊十萬樓等迎入城三善不許曰賊兵不遠
軍心猶未定也我不可卽安遂營于南門外坡上大
雪次日移營宅溪賊遠遁陸廣河外三善遣人諭畚
社揮母子使縛邢彥降不報無何諸路兵至三善旣
怒其後期且憂乏食欲因糧于敵又諸軍視賊過易

前鋒楊明楷出戰失利陷賊中三善收兵入城旣而
邢彥復糾宋萬化等來攻三善連戰于龍里青巖定
番八姑蕩屢捷擒宋萬化諸蠻多降者邢彥復退守
陸廣鳴池諸寨當是時川撫朱熒元破奢崇明兵窮
蹙投水西邢彥復助兵合謀一窺邇議一窺永寧三
善乃統兵擣賊巢擒土司何中尉等進營紅崖連破
天台水脚婁石牛酸草諸囤弁大壩洪烏剛賊所借
烏芸等部苗望風奔潰三善接轡直入大方救出田
景猷楊明楷等奢社輝焚大方老巢孥子位竄火灼
堡邢彥竄織金會川兵入龍場擒奢崇明妻安氏及

其弟奢崇輝等奢社輝懼遣漢把劉光祚赴鎮遠乞
降于總督楊述中而述中主撫與三善議不合遂授
賊參狀勒擒獻邢彥崇明白贖時三善駐兵大方邢
彥亦令其黨陳其愚詐降窺三善意三善謂楊督旣
立撫局則勢難自異因受降而其愚大得善伺三善
喜怒三善信之遂被害時石砧女土官秦良玉與其
弟民屏同受調從征而民屏亦死旣而監軍御史傅
宗龍獲陳其愚誅之于是水西烏撒永寧諸賊皆合
兵向霑益副總兵袁善宣撫使沙源等破走之時水
西苗老虎阿引殺奢崇明子奢寅來降無何安邢彥

復寇貴州燒劫麻姑孫官堡官軍敗績巡撫王瑊巡按傅宗龍遣都司張雲鵬等先攻河沙壩羅鬼并廣順定番青巖白納諸蠻以翦其羽翼然後拒邦彥于趙官堡敗之值朱燮元以艱歸而參將楊明輝諭安位爲邦彥所殺崇禎元年起燮元五省總督討賊先是三善由陸廣入大方凡百七十里皆獾鬼巢窟前衝後截已失地利燮元初議滇兵出霑益遏安効良應援而別布天生橋尋甸等以絕其走蜀兵臨畢節扼其交通四裔之路而別出龍場巖後以奪其險黔兵由普定渡思臘河徑趨邦彥巢而陸廣鴨池擣其

虛粵西出泗城分兵策應然後率大軍由遵義鼓行而前尋以憂去未及用總督閔夢得繼之亦以貴州抵大方路險而賊惟恃畢節一路外通用兵當自未寧始由未寧而普市而摩泥而赤水百五十里皆坦途赤水有城郭可憑而守宜結營于此而漸進漸迫爲白巖爲層臺爲畢節共二百里至大方然後以重兵扼之可一鼓擒也亦不果用至是燮元至乃檄滇兵下烏撒蜀兵出未寧畢節扼各路要害而親率大軍駐陸廣以逼大方時崇明號大梁王邦彥號四裔大長老其下交費阿鮮等各號元帥悉力趨未寧先

西河合集

蕭山毛奇齡

字大可，桐鄉人。

朱世昌伯屏駿，單之倫天常駿。

蠻司合誌

四川

四川古西南夷國。漢冉駹、邛、僰、笮、都、牂、柯、夜、郎諸地。故其地外雜氏羌而內盤羅、獠、磨、屯、烏、合、廳、有、定、居、在、前、朝、小、蕃、大、蕃、實、界、松、茂、當、全、川、西、北、屢、為、邊、患、而、沈、黎、越、嶺、建、昌、諸、衛、環、繞、蠻、獠、當、全、川、西、南、其、中、烏、羅、闕、昨、交、牙、互、商、叟、易、啓、夔、洪、武、五、年、播、州、宣

蠻司合誌

慰使楊鑑來朝始置宣慰司。今仍舊職而其既龍州土官薛文勝、天全六番土官高英以次歸順。仍使文勝為龍州知州，高英為天全六番招討司正。招討是時邛州六番招討使苟德本、元世官、明玉珍據川德從明氏至是亦來朝貢馬。乃稍降其職為黎州長官司。靖宣慰使祿哲亦元世官至是妻實卜與弟阿哥亦來貢授卜烏撒女知府。哥需益知州其餘乍降乍叛。茂州土官楊者七已授知州而以叛伏法。于是稍稍經理定播州宣慰司賦稅改永寧長官司。西陽宣慰為宣撫司置平茶邑梅麻陽石耶洞四長官司。而以

土酋爲長官置威州千戶所松潘等處安撫以龍州
知州薛文勝爲安撫使又置阿昔洞等十三族長官
及副長官會筠連州滕大寨蠻酋編張等叛命將袁
洪討平之而巴縣蠻王立保自稱應天大將軍燒佛
圖關犯通遠南絕二門播州江度蠻王女茂州土酋
董貼里龍州土官趙宗壽先後爲亂皆移兵勦除之
而立重慶衛弁復威州千戶所及茂州衛指揮使司
互相鎮守時四川都司遣兵修灌縣橋梁至天陶關
汝川土酋孟道貴疑爲襲已集部落阻陶關道皆擊
勦無遺其他茶蠻洞獠眉縣賊彭普貴宋儂茶洞賊

田大蟲皆隨叛隨滅惟建昌衛指揮使月魯帖木兒
并栢典州賈哈喇摩步等相繼稱亂已遣藍玉爲總
兵擒月魯帖木兒父子獻俘而哈喇未伏會沔縣吏
高福典土民田九成僧李普治謀叛有何如順者號
天王大敗官軍焚略陽縣治殺知縣呂昌執教諭呂
銑去復焚徽州治殺學正顏斌彬詔遣都督徐凱指
揮黃中討哈喇長興侯耿炳文武定侯郭英討九成
等皆以次勦平無遺孽于是改播州安撫司爲播州
宣慰使鎮安撫司三曰黃平曰草塘鎮長官司六曰
播州曰餘慶曰白泥曰容山曰眞州改設東川烏撒

烏蒙芒部四軍民府而以黎州長官司爲安撫司末
寧長官司爲宣撫司領長官司一曰九姓與平茶洞
直隸長官司同隸布政使司而別以酉陽石碛二宣
撫司并邑梅洞長官司隸之重慶衛泥溪平夷蠻夷
沐川四長官司隸馬湖府其都司領者則軍民千戶
所一曰龍州招討使一曰天全六番軍民指揮使司
六曰松潘等處領長官司十八曰龍木頭曰靖州曰
岳希蓬曰占藏先結簇曰蠟匪簇曰白馬路簇曰山
洞簇曰阿昔洞簇曰北定簇曰麥匪簇曰者多簇曰
牟力結簇曰班班簇曰祈命簇曰勒都簇曰包藏簇

蠻司令誌
卷四

二

曰阿昔簇曰思曩兒簇守禦千戶所一曰疊溪此皆
隸兵部武選司者土官則知府四人曰烏撒曰烏蒙
曰芒部曰東川同知一人曰烏撒判官一人知事一
人曰龍州把事一人曰馬湖巡檢八人曰信寧曰倂
促溪曰麻刺村曰昭平堡曰寒冰曰寧戎曰明月曰
三益驛丞七人曰溪龍曰阿州曰祿馬曰蠻夷曰白
水曰太平曰瀘沽改流知府三人曰馬湖此皆隸吏
部驗封司者乃設四川行都司領建昌等六衛而屬
以昌州威龍普濟三長官司末樂初指揮丁龍杜福
撫諭亞堅等十一寨生苗三十六戶已認輸黑鉛筒

布土以前人叛服不常命悉隸酉陽宣撫管轄而免其賦役四年置疊溪蠻耶二長官司令屬之疊溪守禦千戶所設吏目一人是時諸土官皆遣貢獨來寧宣撫使阿壽妻奢蘇親入貢乃增設赤水宣撫司隸來寧衛又設重安長官司令屬之播州宣慰而以張佛保爲長官又設馬刺印部二長官司隸行都司設八郎安撫司隸松潘衛又改酉陽宣撫司之邑梅洞長官司隸重慶府大率烏蒙烏撒東川芒部以東皆烏蠻蠻土獠諸種其居多板屋椎髻披氍出入佩刀劍相見以去帛爲禮男長將娶擊去左右齒以子

日貿易名所集地爲鼠街其在播黎諸地稍慕華風婚姻以銅器氍刀弩矢爲禮燕樂則擊銅羅鼓橫笛歌舞每博易不用錢漢以細絹茶布蕃以紅椒鹽馬宣德初麻兒匝簇去松潘七百里有利麻著八讓十聚衆侵掠遮遏八郎安撫朝貢松潘衛指揮吳璋招之讓十向化使其兄子完十入貢且言其地廣過于八郎請置宣撫以轄之主乃置麻兒匝安撫司以著八讓十爲安撫使旣而龍州土官薛忠義請陞龍州爲宣慰以鎮番戎不許時播州草塘安撫所屬墩撒等四十一寨蠻長作亂攻牛場乾溪等堡救撫之不

從遂勦平之因改龍州宣撫司隸布政司會烏蒙烏

撒二土知府祿昵

祿昵一作祿昭

尼祿等爭地讎殺遣行人章

聰侯璉奉敕往諭而烏蒙讓地上其獎賞無何茂州

岳希蓬長官司長官血只同與靖州隴木頭長官并

各寨羌民一百七十餘人奏言茂州僻處邊隅與松

潘壘溪生番接界累歲被害有知州陳敏在官能撫

卹人民制馭生蕃今敏以親喪去民失所請本官起

復以安邊境敕令復任乃增設阿州簇長官司隸松

潘衛

先是威茂三州南路生番多夾楛十五關堡隔河阻

蠻司今志卷四

五

山蟠踞爲患國初丁玉討定立衛祇就中通路一綫

爲中國所有其他如鐵鑪溝走石坡鴛鴦橋石花鞋

奇子灣木驢溝掃冰巖三哨嘴楊廣墩砲腦溝老虎

石翟貴哨石窩墩關門石陡溝子大小橫梁溝沙灣

龍溝秦王箭鏹刀灣掃水巖凉水井黃沙壩索橋頭

五哨溝乾溝黃土坎野貓壩石門坎亂石窖石蛇兒

狗子嘴龍打溝洞子溝沙灣麻各嘴諸處東路如天

花石三岔溝乾溝子琵琶頂谷驢兒溝高哨子旋風

巖險頭哨高子哨出龍洞母猪洞落魂橋月兒巖山

葱溝高哨子大灣松柅子擦耳巖關老巖那巖子龍

黎兒溝高橋雞公嶺大沙灣臘菜坪諸處北路如寡
石巖虹橋關絕塞墩鐵門墩銅柱墩八呷口林燦口
恰乍口惡柘口寒盼口了裕口麻盼口唐弄敵貢壩
柘木橋東勝墩諸處俱番姓出入路也來則逼官道
行劫去則阻河而居諸衛餼餉多被剽截雖歲增防
兵不能捕宣德初大征安南當調松潘軍而衆皆憚
行于戶錢宏奸黠計惟蠻亂可免調乃與其黨尚清
入番寨捕番番大恚番長阿用等號衆出掠殺指揮
陳傑上切責三司官械宏入京誅宏命都指揮僉事
韓整以三千人勦捕而蠻五萬人圍松潘城焚上下

蠻詞合誌
卷四

六

四關威茂諸衛皆被圍都指揮僉事蔣貴同松潘指
揮吳璋急招之皆不從乃勅都督同知陳懷等會兵
四萬人自洮河取路進而蠻方攻圍疊溪指揮吳玉
等遇之失利韓整兵亦敗內臣令番僧失刺藏上等
至諸族寨慰諭兼賜布幣番長結弟言我向化四十
餘年未嘗敢亂而錢宏陳傑無故統官軍呵喝索生
口捕男女大小而取吾棚錢是豈吾歸懷意哉今朝
廷宥我罪賚我政不惟命遂令結弟遍諭生熟番十
一族占藏上九族黑水生番三族皆納款去蔣貴遽
止陝西官軍令勿進時尚書蹇義以龍州勢輕請陞

龍州軍民所爲宣慰不許乃改龍州爲宣撫隸布政司已而諸蠻復出掠破綿竹縣仍劫威茂二州官軍戰不利鎮撫侯璉等死之遂勅都督陳懷及方政蔣貴進兵乃合陝西貴州兵六萬餘人錦衣指揮何敏等四人督戰蠻方攻筠連巡檢吳璫出家財募兵守城大兵至合擊破走之乃擄官軍及土兵分道進政以精銳五千人擊其西北大寨破之貴督兵七千破任昌大寨而都督指揮趙營分道各進兵以次討平龍溪三十七寨前後斬首一千七百餘級墜崖赴水死者無算餘悉撫定因增松潘衛前千戶所茂州衛

前後二千戶所且增置潘翰寨阿角寨苦兒者三長官司隸松潘衛諸蠻惕息不敢出巡按御史王翱上便宜五事其一謂松潘近邊去省城八百餘里番寇爲害都督陳懷居省城緩急未使雖委官領軍難盡約束當令懷往彼鎮守以壓邊境其二謂松潘威茂諸衛所官軍月糧皆成都諸府州縣所運多被劫掠若令暫于成都諸府州縣等衛倉收貯農隙之際類集諸有糧者人齊力起運而都司撥軍護之且令布政司委官交量則道路無虞而收受亦無弊上曰善遂敕陳懷往鎮松潘正統四年以王翱代懷著威惠

番酋商巴等感悅盡率諸部受約束入貢者接踵景泰初諸蠻竝起撫臣羅綺檄悔罪不聽乃招募材武得禪師智中牌頭尤弄柯皆豪健各統精銳乘夜銜枚分道搗賊巢綺介胄隨之破撲爬諸寨擒劇賊卓勞阿兒結十餘人戮之既定治以簡易暇卽與番人接杯酒歡番人畏慕終綺任不敢叛成化中諸蠻大劫掠叅將請增兵巡撫夏垣曰將不在兵兵不在衆乃揀精銳四千八百人往更之而一無所增時黑虎寨叅強相傳有神術先知官兵未至卽遁去或潛伏要害竊發屢敗我衆按察使龔鏊獨曰我自不密耳

彼何能知夜半密勅諸將統兵進凡三十里平明抵其寨蠻大驚潰斬縛各千人得其首惡餘潰死無算旣而大征破寨二十餘斬五百級降者數千皆編籍輸糧副使束思忠于大石佛嘴鑿山開路人皆便之乃復遍勸惡匪平山諸寨斬首百餘級萬歷中復大征人荒沒舌丟骨三寨南路盡平時自威茂達松潘從小阿三舍漳臘官道兩傍修築邊牆傍護諸往來堵禦竊發一時稱便其後墻稍圯隨時補發議者謂南路後山自雄溪西寧以達蒲江北定抵鎮平界倚山爲積築城設敵樓而鎖兩頭以重關且復增舊牆

聯絡相接以防番寇則輪班戍軍可以盡革歲省軍餉可數千萬其周遭屯種歲之所入亦不下數百萬而其說不用久而幾九國皆以其說而行之

山都掌蠻在叙州西偏介川貴間與永寧芒部烏撒相接諸峰盤互大壩爲門戶其東則進爲凌霄又進爲九絲旁峙都都寨舊稱九姓後以蠻族焚雜改九絲所在結寨無慮千百族宋熙寧間蠻叛用白芳子兵破之因作誓蠻文稱民壯爲白芳子國初諸蠻皆出降入籍輸賦分山都六鄉水都四鄉皆隸之戎縣而水都不衍逋逃無所匿獨山都冥與不可窮詰故

但稱山都掌蠻宣德初蠻叛官軍討平之正統中復叛時西北用兵不暇及至景泰元年都御史李匡御史劉幹始議討以疫作不前天順中都督許貴再討不能勝撫諭而返至成化改元猶甚川貴撫臣各奏蠻分劫州縣遂命川撫江浩貴撫李浩總兵官芮成副李安徵原調官軍刻期會勦時翰林侍讀周洪諛謂蠻各有主請擇蠻人有望者立爲長官刊隸之本府統各寨夷民而漢民則統之戎縣流官使各有分屬則夷情自定而副總兵李安復請委永寧宣慰奢貴赴大壩令諸夷就宣慰營轉議莫能決國子學錄

黃明善獨昌言曰夷漢分屬不無近理信如安奏則奢費平日所轄土獠羿蠻尚不能鈐束以致攻燒屯堡殺掠軍士其能撫都掌之衆哉命下總兵官審處而芮成等已先進兵剽西華等鄉分道擊殺遂破賊寨斬六百餘級會貴州兵至並集全鵝池合攻大壩并遣指揮孫秦督芒部土兵截賊後路永寧土兵守落敖山口賊不能支乃遣阿圭等三十七人詐降軍門思倉卒生變以圖內應成驟擒之阿圭袖小刀左右擊刺無所用乃燒賊三十七寨斬賊首五百八十七級報捷甫還師賊復出掠值給事中秦崇御史吳

編勸軍政卽遣崇等會川貴兵敗賊小峰壩青岡坎諸處斬賊首四百七十餘級復還師敘功訪戚李浩秦崇等皆次第陞賞而賊以次年召諸蠻阻山大寇乃決計大征襄城伯李瑾爲總兵官程信爲兵部尚書督軍往討信至永寧分大軍三道四川軍由茂縣貴州軍由普部雲南軍由普市水腦竝入期共會大壩而白督兵入金鵝池時南寧伯毛寧亦至爲左哨敗賊李子關伐木開道官軍發神鎗勁弩乘風縱火焚龍背豹尾七百五十一寨米倉三千八百一十一所斬首一千六百餘級生擒三百四十人進至大壩

攻山都六鄉焚一千四百五十七寨米倉九百八十一所斬首三千十七級生擒九百五十三人獲銅鼓六十三面牛馬猪羊盛甲鏢弩牌刀旗幟弓箭無算餘賊遁山箐者皆搜勦無贖願降者聽有匿天井水磨諸洞者下令逼塞諸洞門而環以兵月餘死洞中臭達千餘里官軍爲謠曰洞勿關有臭巒乃并平九姓土獠之附賊者遷瀘州衝於渡船舖增置江門水流崖洞掃處關堡改大壩爲太平州設長官司分故都掌地隸永寧芒部加信兼大理卿進瑾榮爲侯餘各頒賞有差

播州漢牂柯郡也唐改郎州旣又改播州楊氏世有其地元世祖授楊邦憲爲宣慰使賜其子漢英名賽因不花封播國公國初楊鑑內附使仍爲宣慰改隸四川領黃平草塘二安撫真播白泥餘慶重安容山六長官司統七姓爲田張袁盧譚羅吳而田張宥大世爲目把永樂初楊昇奏所轄當科篤雍等十一寨蠻人梗化不服上命昇討之宣德中楊欽正統中楊炯楊綱皆世修職事獨綱子輝傑黠多豪舉天順初私闖土民黃保等爲火者嘗嬖妾田氏以其所生子美居長屢欲奪嫡安撫宋韜長官毛釗執不可曰楊

氏家法立嗣以嫡不以長獨奈何素之輝不得已乃立嫡因名庶曰友名嫡曰愛言相友愛也然而嬖庶之心終不忘倖客張淵說輝曰主官欲貴孟主而卿卿與仲主爲讎毋論勢有所未便即使奪仲以與孟不過剽吾左以益吾右耳且重賄口實以滋後議何不別爲孟主地雙貴而朋立是使孟創業而仲傳世也輝曰爲之奈何淵曰天罰諸苗主官部境也山箐險遠慙而易虐誣之曰賊因請兵討之然後歸功孟主而請立安撫以治其地誰曰不然輝大喜乃立召容山長官韓瑄重安長官張通告以生苗反狀使止

蠻司合誌
卷四

十二

變瑄爭之謂苗實不反輝怒杖瑄通惶恐叩頭曰反請從輝署名上變上命都御史張瓚同輝進勦殺諸苗于入輝乃賂瓚疏友功且曰友謀勇冠軍手刃七賊時友甫十三歲乃請設安撫于安寧授友安撫使而以張淵爲長官然友實未嘗之官也

安撫紀錄
彙編作宜

既而爛土諸苗賣果等忿天霸以無辜受戮時時攻安寧瓚又疏請于凱甲寨築城衛之費糧數十萬成化十九年輝死愛修怨于淵屢謀殺愛不克二十二年丹章諸苗寇安寧四川叅政謝士元副使翟廷蕙都指揮楊綱以兵往過播州詣愛家置酒高會

翼日視學適州民賽社士元等坐學宮臨觀愛復攜酒至訓導楊禮焮然曰視學而觀社提兵而樂酒略等威而歎下屬竊爲明公耻之士元等大慚而起時端伺愛隙謂愛實通苗越境爲亂故歎官軍逗遛修私怨爲文報貴州守臣而致書舉人路義使之通賂值安撫宋韜獲其書以示愛愛乃易其書遣使投義義信之遂詣貴撫陳楊愛反狀貴撫不聽且曰播非我轄也義爲書復友而愛執之愛遂據義書報川撫將聲罪發難友大懼淵喉友上變言愛結苗夷反叛造火器旗纛金瓜鉞斧調總旗等號親軍闔割土民

續司合光

十三

立金龍門于宅前而開尚甕等鐵冶令僞闡官煉熟鐵爲軍刀置織造院收民人趙其一百餘戶充織匠造龍鳳蟒袍立商稅局于白田壩起調軍兵三千餘衆假水西送喪演習武藝設教坊司以僞闡官掌其事鹵良家龐兆期女勝真福真等一百餘名充女樂教習裸劇每遇節旦愛衣龍衣自稱國主天主而稱其妻地主且置後宮奪趙高僧幼女玉真爲宮妃用巫師魘魅庶母貴氏禁父妾馬真蔣真等宮中姦使有身管強淫宮婢宋真不從裸之縛于杙牽羣狗導之淫凌辱狼藉而後殺之科派各里人民分上中下

三戶得金銀若干萬兩養老莊田子粒若干萬石珊瑚樹若干株珍珠簾若干絨玉圭若干笏馬若干匹牛若干頭嘗夢騎龍登天門上帝謂之曰此南方帝子也既醒龍成五色因作詩有霹靂一聲震天下南方須起赤鱗龍之句廷議大駭立命刑部侍郎何喬新錦衣衛指揮劉綱會川撫及巡按鞫之俱不實淵坐妖言律路義削籍友論死贖免發保寧城中羈管未幾友黨纂友歸與愛讎殺不已且糾衆攻播州焚愛居第及公私廨宇略盡廷臣方請討會大征鄢藍兵不暇及未幾友卒廷議謂逋友雖死子弘尚存當

卷四

十四

仍調兵食以彰國法而川撫勘奏謂弘父友構亂法固難宥但友構亂時弘尚幼穉似當開自新之路與以更始况友所焚殺已經昭土例折償及還所侵奪于官宜授弘冠帶土舍而其旣愛死子斌豪甚舊制土官有功祇賜子衣帶及旌賞部下人員無陞職加銜者斌以平普文蠻功于正德初加四川按察使銜賜蟒衣玉帶弘忌之仍起讎殺及弘卒重安土舍馮綸等又以怨弘誘諸苗攻安寧貴撫鄒文盛及命斌討平之而請復安寧安撫令弘子弟得襲舊職廷議不許嘉靖六年弘弟張復以爲請時張盜邊劫得白

泥司印信復與斌子相重相讎殺較前更烈守臣乞
改凱里屬貴州以張爲土知州以解釋之事久不決
初廷議謂楊張習父兄之惡幸免于辜輒敢肆然執
印以要君且其所爭田莊及椎埋殺人等罪尚未得
決正宜收置于理令其悔過還印償所奪寨苗諸地
而驟議復職未便其後用兵部尚書胡世寧議謂張
黨已成若不因而撫之恐流禍無已乃復張凱里安
撫屬治貴州而相則襲播宣慰如故然其讎殺仍自
若也諺云骨肉鴛鴦參商播凱

發司洽謄
卷四

十五

07686

此處文字模糊不清，似有“五五”等字樣，但難以辨認。



